



南中集序

永昌張含

夫詩三百篇尚矣漢魏晉宋變矣而風體存焉唐
變矣體殊而風勃尚夫詩也後世鮮高學也一變
而古則亡古則亡而今則熾愈變愈下風體衰薄
汨々不返揚子髫之年也其脩辭崛頤險隱駸々
乎入李賀揚子冠之年也其脩辭蕩放流動颯々
乎入李白揚子魁天下陟華要也揚子樹大議謫
窮荒也悲歡以時壯乎物理充乎性靈悲猶歡也
歡猶悲也辭之脩也圓融而勁温厚而邃駛々乎

入風雅今之時後之世有高學也過乎溟覽其辭
靡弗曰辭金礦玉璞乎辭落花豐草乎辭陰崖積
雪乎辨七審物靡弗信其辭也傾懷動魄靡弗思
其人也夫變也則古而殊今者與揚子嘗謂含曰
詩吾媿風雅獨夷鮑謝夫二子時之變也存體而
留風起疇而倡世可謂變矣雖然奚望揚子詩可
以觀可以興可以群可以怨揚子然與茲變也揚
子其風天下後世乎哉揚子立朝去國私業葆貞
鳴乎其運焉乎其性率而已矣安順逸顯鎮靜不

搖恬塞固窮正定不阿此揚子處通塞而軌塗不
易之道是故聲名殷、然動神人而光日月茲道
也揚子其風天下後世乎哉溟揚子所寓而昭也
辭揚子所變而雅也鮑謝揚子所譎而自謂也

南中集序

蒙化朱光霽

太史升菴公謫南中賦詩數百篇命蒙士朱光霽
序曰天地流形山川百物非可存削丹青者也什
往待人形諸言而後一定者始著彼有生乎其域
冒乎其秀嗜乎其美飽乎其惠語之弗知問之弗
答蘊靈弗泄圓粹弗彰者病乎其不能倡也又有
發之弗大首之不奇開弗及源論弗涉奧極焉而
粗研焉而略傳焉弗遠契焉弗神者病乎其倡而

亦大也又有見若不見聞若不聞洪雅博乎廟堂
瑣細略乎津市汨之論長於順適悠之思短
於憂惠賞精諸夏謀踈四夷者又有倡之具而無
以激之激焉不勝其溺溺之不暇其餘忘倡者也
是故不能倡者下也倡之弗盡者中也吾無望焉
忘倡者未必非上也不激而溺不暇焉猶夫人也
知之何哉使公位容養動日坐黃閣而身不履窮
邊絕徼寂寞樗散是亦忘倡者矣洪中山川百物
待人鳴者誰其倚哉夫唯公天篤之倡而使之

藜躬遠跡哀牢歲益熟景歎情彌傷聲彌正豈偶
乎夫膏人所不能嘗則亦道人所不能道中人猶
爾而况於太上君公者乎是故詩中商宮由蹊徑
奇絕當時準古作者不必論也姑論公之銳精博
思該理卓據細入卉木大及流峙中貫人物俗綜
謠歌域判遠邇風襍夷夏名核今古恠兼雅艷緒
播憂樂斯地賦者不可判置別境斯時製者不可
轉移他日憂而不傷哀而不誹且怨得大雅之音
是故老死土著不盡曉身疲道路者不獲聞終日

圖書者聞輒駭以噤云不我曉後有如公來斯自
當得第二義和非倡也倡爲亦伸引類觸耳繼
自今以往山川無名氏者得喚姓字人物缺標題
者爰識根荑事無本編無緒而俗傳謬僞者舉有
口實左驗異品孤綜古所未道不可形容而材坐
寡昧溢僻者咸使克裕見四方達者諸彼樂土善
俗則摘是詩雋音以復曰滇非昔也如何如何觀
古之遷客詩文則取是詩亦曰滇固杜之變張之
岳蘇之海外而已抑公何不幸而滇何幸耶昔東
坡謂致勇莫先乎倡勇且倡而况不爲勇者乎公
斯來也天倡公也夫公斯詩也公倡滇也夫

升菴詩叙

古今言詩者病誣之難夫詩之所引難
者中與學也難也一本本此天學繫於心
非其中雖學之不近也夫吳中矣非薦
於學則交不盡其中也古之也以詩名
家必兼於斯二者願吳中者有高下學有
疏密故文體又各異品第焉夫中不足
足者所限而不可進也學也不足無所
禦而自止也疆莫中而進者寡陋於學

而止者眾學而不止極於不可進而後
變古之作者猶難之

國朝能詩者盛於弘治正德之際其皆數
君學始尚古學文體彘之一變至於今
曰鴻筆所慕之杰彬之間出數君子彘
有功矣熒此數君子夫各守其高下學
各疏密雖其高下皆學皆要未有窮矣
學之所至竭其力之所能者也嘗曰彘
知其所近而闔其遠者學所易能而淺

吳所難人已公患也然其皆好而不窮
其所短必於倍習而不進求吳上進之
淵蔽也語曰取鑿乎上僅得其中取法
乎中斯彘矣吳余懼將來者徒隨先進
之後而雅漸之曰蠲於下也南岷王先
生示余升菴楊先生誣一卷吳窮極詞
章出綺靡可已見吳卓絕之士其牢籠
載籍之菁華可已見吳弘博之學此其
意將欲追軋古久而不屑與近代相互

下盖余醒咎所顛兒弓今得之先生吳
抑此齋香葦淫音調屈滇中亡佗耳若
吳今之所造詣與夫史日之所就又非
止於如此而止也雖歎此齋而論之
唐亡卯傑不能過也南岷剌而傳之非
特表先生之寸炙吳幾重固將著先生
之學燹天下先余因雜吳意而叙之
嘉靖丁卯正月既望譙郡薛蕙書

升菴南中集卷一

南竄始發京

長安郭
振華書

秋風蕭蕭發駢車出郭東問我今何適竄身向南中
南中萬餘里去去與誰同親交滿京國只尺難相通
且喜脫幽繫未暇悲道窮矯首盼浮雲但羨高飛鴻
夜行安慶

風順月仍明扁舟半夜行雞鳴問前路已近九江城

宿鯉魚山

投暝宿前灣占風夜未閑月沉鴻鴈渚雲起鯉魚山

荅彭子冲

異縣悲南國同車感北風
霜清淮浦潤木落楚江空
危坂難回馬炎方少去鴻
望歸天共遠惜別歲將窮
海曲飛鳴隔山梁飲啄同
從軍古云樂况復九夷通

阻風曲蘖子磯作

三首

峭石驚磯橫浦口朔風半夜蛟龍吼
一枕波濤萬里心江水客愁誰淺深
行人夜唱江南曲已歛楚些遥相續
聲然暝復愁更訴盡離情天未明

啼猿峽口江流遠回鴈峯前沙磧晚
水驛梅花開未開緘情千里寄陽臺

夕上江陵

熒熒沙市燈統統黃潭鼓悠悠隱後帆
遙遙認前渚其二

水落沙渚寬鴈聲驚早寒舟子夜不寐
北風吹雀竿江陵別內

同泛洞庭波獨上西陵渡孤棹泝寒流
天涯歲將暮此際話離情羈心忽自驚
佳期在何許別恨轉難平

蕭條滇海曲相思隔寒燠蕙風悲搖心茵露愁沾足
山高瘴癘多鷓鴣少經過故園千萬里夜夜夢煙蘿
江陵舟中贈田李二鄉客

朗月寒沙夜未分玉簫金管醉中聞明朝回首沅江路
愁聽清猿和白雲

盤江河

可憐盤江河年年瘴癘多青草二三月綠煙生碧波
行人好經過

蘭津橋

今名霽虹

漢書載瀾滄滄謠云漢廣德開不賓度博南踰
蘭津渡瀾滄滄為他人即此地也土人謠呼為
浪滄云

織鐵懸梯飛步驚獨立縹緲青霄平騰蛇遊霧瘴氛
惡孔雀飲江煙瀨清蘭津南渡哀牢國蒲塞西連諸
葛營中原回首踰萬里懷古思歸何限情

懷歸

星橋南望沉犀渚雪嶺西連抱珥河關塞渺茫魂夢
隔山川迢遞別離多汀洲春雨塞芳杜茅屋秋風帶

女蘿心事未從詹尹卜生涯聊聽棘童歌

心譴成滇紀行

商秋涼風發吹我出京華赭衣裹病體紅塵蔽行車
弱姪當門啼怪我不過家行行日已夕扁舟歛滌沙
揚舫天津口回瞻見牛斗風吹紫荆樹月照青楊柳
逆流沂漕河相顧慎風波荒村聚豺虎夾岸鳴蛟鼉
僕夫困牽挽防吏苦嗔呵徐沛洪流溢滄溟浴白日
聚落雞犬空銜鱸羽毛疾暗灘持楫防洄溜揚帆慄
維纜依鸛窠牽蓬迹鮫室乘月下呂梁侵星過白楊

漫岸憬失道孤舟鬱相望喧逐見疊浪極眺無連岡
陰霞互興沒凍雨倏淋浪濕薪戒傳火空囊愁絕糧
信宿萬籟平隣舟動歡聲聞雞共起舞買魚賀兼程
夕泊秦淮岸朝逗維揚城愁聽玉簫曲懶問瓊花名
畏途險已出勝地心猶驚真州對瓜步分歧當去住
翹思鐵甕雲悵望金陵樹江浮惧濤瀾陸走淹霜露
移舫鷺洲來弭榜龍江隈故人同載酒一醉雨花臺
高臺多古今百慮盈踈襟彈別鶴調笛喝飛鴻吟
臨風惜南鷺揆景恨西沉江程始挂席江月照采石

招搖西北明水霧東南碧銅陵夢裡過赭圻望中隔
潯陽見市廛溢浦異潮汐馬口歌獨漉魚山候風宿
西塞漁父磔東陵道士狀估客嘆浮萍放臣悲落木
秋驚赤岸楓霜謝黃州菊龜山漢陽縣鵠磔遙可見
披襟倚山閣開圖對離宴鮮飈蘋末來餘霞波外綯
枕底鳴飛湍舷際失江干仙子駐鶴嶠王孫闔鴨闌
雲開君山出壑歸洞庭寬乾鵲噪危檣連連一何迅
試叩巴峽船果得家鄉信時序感孤懷風烟集雙鬢
江陵初解帆蒼皇理征衫家人從此別客淚不可緘

騰裝首滇路問程愁楚巖楚水縈沅澧楚岸秀蘭芷
古墓識昭丘遺坊號珠履珠坊青蕪繁昭丘白雲屯
傷心楓樹林回首茆花源天寒行旅急歲晏霜霰煩
界亭四十渡羸馬不成步幽篁詎見天密菁才分路
營窟半舟裳人煙盡槃飢戾蟲嘯落景暴客當官戍
驅車先發昫投驛遲暝霧淑浦涔陽連龍標夜郎天
遠遊吊屈子長流悲謫仙我行更迢遞千載同潛然
一葉崇安渡千波竹箭急鬼方昔云遐羅甸今初入
陰霾暄凝交瘴嵐昏曉集長亭比驛遙咫尺如棘蒺

石行蹶昆蹄沙炊咽蒸粒斷腸盤江河銷魂龍從坡
軍堡鳴笳近蠻營荷戟多三辰晦光彩七旬歷滂沱
蜀衣行風舞芦笙跳月歌可憐異方樂令人玄鬢皤
烟霜窮瑣旅蔗若開芳序迎睫平原來還顧殘山去
喜見青松林却辭黃茅嶼滔滔歲已周望望且夷猶
衣塵何暇拂足蘭不能休碧雞儷金馬滇海昆池瀉
五尺常頰道萬里唐蒙野隋將仆碑川漢相連營下
我行更向西綿力倦攀躋砢碌穿危磴蜻蛉控絕谿
點蒼明霽雪抱珥飲晴霓蒲塞重関峻蘭津毒草低

枝寒鳩鳥下花暖杜鵑迷朔還蠖射渚啜入象畊畦
瑩角髦牛鬪斑文笮馬嘶緬書塗貞葉棘昭燧松梯
風景他鄉別天倪吾道拙雲山已亂心風塵仍結舌
出門各自媚失路為誰悅桑落豈忘憂先觴詎申結
龍吼雄劍鳴驥歌唾壺缺蒼蒼七星閑幾時却東還
泅泅三峽水奚啻隔中泚黃犬代書郵青龍借歸舟
鴈翼翔虜廓猿聲遞阻脩何由一縮地暫作錦江遊

古艷曲二首

皎皎復盈盈傾國更傾城珊瑚絲結網茗華玉篆名

宮女多相妬非閑君薄情

珊瑚網西施事出吳越春秋逸篇見劉克季義山詩

註夏后氏二美女苕華刻名琬琰玉苕是琬華是琰見汲冢瑣語

掩顰來玉塞顧影戀金門翠燭勞光采銀屏役夢魂
羅衣香未歇猶是漢宮恩

玉臺體

流盼轉相憐含羞不肯前綠珠吹笛夜碧玉破瓜年
滅燭難藏影洞房明月懸
調絲曲房下援鏡綺窓西粧罷金星出歌殘壁月低
留歡夜未足恨殺汝南雞

戚里盛豪華聯翩赴狹斜寶欄圍鬪鴨金瓦擲鳴蛙
歸騎春城晚風吹滿路花

菱歌歇晚涼桂楫隱回塘珠佩雙臯冷羅裙十里香
錦書隨綺翼持報邵陵王

離思行二首

飛蓬無根株飄颻隨風起游子辭家鄉流落在萬里
當歌有苦調對酒無欣喜閉門愁緒集出門多荆杞
徬徨安所之斷腸分流水水流何潺潺遠遊幾時還

其二

南望蜻蛉道西眺渠濫川石子何磊磊水流何煎煎
山川隔宇縣仰視空雲烟鴻蜚遠不到書迹何由傳
愁來坐自嘆氣結不能言願假黃鵠羽輕舉隨風旋
射亭

飛羽花前疾鳴駭風外聞當場誰破敵王粲始從軍

采蘭引

趙弘道憲副因余之
此詩改閨名為蘭谷

廣通縣東響水關產蘭綠葉紫莖春華秋馥
蓋楚騷所稱紉佩之蘭也人家盃植如蒲葢
者蓋蘭之別種曰蓀與芷耳時川姜子見而

采之以贈予予知九畹之受誣千載矣一旦
而雪作采蘭引

秋風衆草歇叢蘭揚其香綠葉與紫莖猗猗山之陽
結根不當戶無人自芬芳密林交翳鳴泉何湯湯
欲采往無路跼步愁寒裳美人馳目成要予以昏黃
山空歲復晚脩佩為誰長采芳者何人蓀芷共升堂
徒令楚老惜坐使宣尼傷感此興中懷弦琴不成章

崇聖寺

塵劫非人境烟霞是佛都山開銀色界海涌玉浮圖

追蠡形猶壯伽藍跡已蕪經函飄粉蠹畫壁剝天吳
零雨頽墻草驚風廢井梧禪心隨夜寂旅望對秋孤
遠目窮千里傾懷倒百壺狂歌意無極感此歲云徂
無為寺

涼宇敞金天
暝縹緲紫煙復有免康徑斜通龍象顛
餘霞帶飛閣流波澄遠川危磴三休至層臺四望懸
佳遊惜落景愁思怯離絃非閑興盡返良為懷抱牽

遊三塔寺晚登鶴雲山麓

置酒三塔下騁埽三塔顛三塔不可上杳在白雲天

朝望蒼山岑夕上蒼山一趾蒼山不可窮日落悲風起
欲騎仙人鶴共看仙人棋仙棋不可見仙人去幾時

螳川獨泛二首

柳市村村接松燈點點明家家傾蟻酒夜夜鱸魚羹
其二

月遊渾似畫水泛不知寒星留驚魚躍霜枝起鶴盤
結交行贈張季文兼寄劉建之

澗有流泉山有塵結交易交心難親古人所以嘆白
首恒如新彈冠當途少知己何況貧交多苦辛慎也

早克觀國賓金馬蘭臺獻納臣亨衢豈憚履虎尾逢
時吐氣嬰龍鱗一朝遠謫濱萬死曠野匪兇誰與隣
舊遊相棄不相識平生懷抱空向人行路之難有如
此感慨令人思洗耳新知者誰張與劉一見豁然忘
旅憂晤言數晨夕歡娛歷春秋竹林不厭清狂客漆
園共擬逍遙遊馬鳴龍樹訪野寺鸞吟鳳咲登高丘
山中日月自瀟洒眼前世事空悠悠窮途握手心尚
爾雲天高義誰能造劉子昨別皋橋頭君今復動西
南騶故鄉遙憶不可見故人同心復異縣枯魚涸轍

懷沫濡窮鳥空林垂羽翰黯然銷媿望去塵徒有臨
岐淚如霰君上青雲翼異日車我看明月隔天涯行欲
尋仙三島去相思青鳥遞瑤華

月夕獨酌

夜沽東橋酒醉聽棘童歌羈人不作樂其如鄉思何
太華寺別季文

華頂雲滇海月携手三度遊同心兩迴別携手同心
此地分他鄉客路復離群明年載酒花林下啼鳥春
山誰共聞

升菴南中集卷二

昆陽望海

昆明波濤南紀雄
金碧滉漾銀河通
平吞萬里象馬國
直下千尺蛟龍宮
天外煙巒分點綴
雲中海樹入空濛
乘槎破浪非吾事
已斬魚竿狎釣翁

春二首

海風吹海樹十日閉門中
坐惜繁花落過牆頭
數落紅

其二

行樂三春好
春來轉劇愁
鄉心悲望遠
莫上最高樓

陪盛德章春泛

中洲歌采芳曲渚艤歸舳風起春江晚飛花點石梁
宿積翠巖

曉色動香城天風襟梵聲雞鳴閑樹白龍卧海波清
湘浦行捐佩滄浪坐濯纓思歸還引望懷古若為情

滇海曲 十二首

梁王臺榭水中央烏鵲雙星帶五潢跨海虹橋三十
里廣寒宮殿夜飄香

碧岩雞金馬古梁州銅柱鐵橋天際頭試問平滇功第

一逢人誰說潁川侯

化城樓閣壯人寰澤國封疆鎮兩閑雲氣開成銀色
界天工斲出點蒼山

葉榆巨浸環三島益部雄都控百蠻神禹導河雙洱
水武侯征跡七星關

沙金海貝出西荒挑竹撞華貢上方香象渡河來佛
子白狼槃木拜夷王

碣房艸閣瞰夷庭側島懸崖控絕陁雞足已窮章亥
步鷺頭空入梵王經

孤戍平沙望大荒邊愁海思入滄茫帝鄉東北仙雲
隔棘道西南媚景長

昆明池水三百里汀花海藻十洲連使者乘槎曾不
到空勞武帝御樓舡

湖蕩魚蝦晨積場市橋燈火夜交光油窓洞戶吳商
肆羅帕封願棘婦粧

蘋香波暖泛雲津漁世樵歌曲水濱天氣常如二三
月花枝不斷四時春

煮海醴郎瞑漑沙避風估客夜乘槎雪浮杭稻壓春

酒霞嚼栢柳呼早茶

海濱龍市趁春畬江曲魚村弄晚霞孔雀行穿鸚鵡
樹錦鶯飛啄杜鵑花

遊玉案山寶珠寺

名山已發興空宇復離群開樓見西海出岫指南雲
泉華玉雷接風籟紫霄聞前朝一片石金薤剝苔文

酌金秀才 鎬浙江武康人

伏枕抱疾日閉關餘春時欣聞空谷音適與中林期
清風灑蘭藻零雨坐茅茨翻然不可見悠哉寄遐思

博南謠

瀾滄自失姜兵備白日公然劫行李博南行商叢怨
歌黃金失手淚滂沱鉄索箐邊山嵯峨金沙江頭足
風波為客後來辛苦多嗟尔行商奈若何

華燈引琴思漢調

燭龍潛耀顧兔微金缸委照玄夜輝蘭膏吐燄芙蓉
歲熒、火齊歎煙琬九枝絢爛虹九圍丹鯨樹鬚蟠
彩暈長明掃暈蛾停飛啼鳥聲締瓊扉東山戎旅
吟伊威鳴梧高張黼低帷背壁抱影鼓思歸星翻漢

回海漏稀

鐵鸚鵡歌

蜀中名駕鸚鵡雲南號
鉄鸚鵡即伯勞也

可憐鉄鸚鵡常鳴五更前愁人抱暝卧聲、到耳邊

刺桐花行

刺桐花惟嶺南及滇中有之異物志曰刺桐
即蒼梧嶺南多此物因以名郡滇中名鸚哥
花花形酷似之開以夏秋之交酒邊率爾命

篇云

刺桐花蒼梧樹瀟洒迎涼辰
電靄留炎暮渥翠掃蜜

烟飛英飄瘴霧蛩烟瘴霧雨餘天耀彩舒芳最可
憐紅欺鸚喙淺砂點鶴頭鮮連林千炬爛照水百
枝然星回節後流螢院乞巧樓前烏鵲筵邊候兩
年通象譯方隅萬里接龍編故鄉殊未返空園聊息
偃一夕復一朝行看歲華晚環波海碣渺々流千
雲金碧層々巘汀際遙瞻柳渾洲隴坻長望張衡
坂鉤陳閣道紫薇垣鳴鑾曳佩列文軒建章東回
下鵠沼甘泉西對宿鱗園金枝擘擘商飈起玉植
青葱瑞露繁翡翠叢中游蜨蝶鷲黃葉底集鷓鴣

枝近上林全許借樹高温室竟無言詎信長年悲
落木誰憐遷客賦登蘋婦去來定何日秋菊英々
挂將實甜遽廬宴逢車濁酒田家醉不辭清纓漁
父愁先失

春泛昆陽海口

洪池環貝闢清御切龍淵光騰馬躍渚潤入象耕
田錦紋浮澹淡金碧映淪連津吏醉持楫漁郎歌
扣舷白浪認前浦丹霞分遠天蒙籠山鬼洞遙裔
海童烟別籟鳴空外婦雲望日邊向夕長風起愁

吟江漢篇

惡氛行

金碧山前惡氛起虜馬來飲滇海水城西放火銀
漢紅炎燄塵頭高十里兩重日暈圍白虹萬家仰
首呼蒼穹相顧慘然無顏色嗚呼寄命須臾中賊
徒渾幾箇枕戈臨水卧我軍屯北門分明不敢過
土酋脅盟來索官城上無言騎堞看父老倉忙雙
涕泗細說去今尋甸事弦急柱促柄倒持首禍今
朝竟何自堂堂聖之陣誰主兵喁喁公等皆儒生賊

來不肯令出哨賊去但解擡空營豈無雄武士奮
身思一決咫尺轅門不肯前怒髮衝冠氣填咽况
聞千金逐日費連月公儲已傾竭土兵抄掠盡村
園升天無梯地無穴熙皞閭閻踰百年太平官府
真神仙紫微迢迢華蓋遠虛將獻朴威窮邊之隅
一旦紛解瓦喑嗚變作擊拳者喑嗚擊拳兩奈何
君不見建武年中任校尉又不見開元年中張
乾陀

古意

生長蘭芝小名嫁得盧江仲御羅帶同心羞結金
釵兩股牽情行雨行雲窈窕非烟非霧輕盈愁見
遠山凝黛催人咫尺離程

送余學官歸羅江

豆子山打瓦鼓陽坪閔撒白雨白雨下娶龍女織
得絹二丈五一半屬羅江一半屬玄武我誦綿州
歌思鄉心獨苦送君歸羅江浦

犯星歌四首

金沙江水繞環州江岸家對白鷗漁父長歌楚人

曲蘆商愛上百夷樓

餘甘結子草交頭暮靄朝嵐似蜃樓飛鳥不飛愁羽
墮行人何事遠來遊

槍壘弓營徧翠微常耕推髻裂袞華衣松林霧合騰虬
出草屋星流暗蠱飛

十月妖花紅滿煙萬家蠻樹綠遮天眼中忽見潭相
識夢裡曾遊瘴海邊

雪閔謠

雪閔謠述途人思何將軍也將軍名卿成

都人

雪山関雪風起十一月斷行旅霧為箐氷為臺馬毛縮
鳥鳴哀將軍不重来西踞何時開

七星関漁者

石澗無通水漁舟返上山得魚隨馬賣抱獺趁鴉還
問爾江湖興茫茫若夢間

烏撒喜晴

易見黃河清難逢烏撒晴陰霾既已豁險道况復平
蜀日香千里滇雲惟十程江花與江草異國看春生

燕麥謠

馬牙氷滿林白損我苦蒼傷燕麥甲子陰鳥無食山
頭農甸心客眊眊荒眼雙流血臘馬躓春牛吼癩象
來窮軍走括金使者空城守

寶珠寺

遙望瀑布泉徙倚雙杉樹繫馬幾度遊徘徊不能去
觀音寺

雙樹依山曲青蓮有廢臺遊人不肯入却似剡溪回
雲居寺

海蓋燒空艷山篁拂座涼胡僧書跡在指點古雲房
清淨寺

淨域無塵襍風花落漸多空門元不閉屐齒未曾過
寶印寺

曲徑餘榛路穹碑剝蘚痕空廊僧不住鄰媪與開門
寶曇寺

千仞崇山頂清泉何處分消石澗底一派下青雲
圓照寺

橫枕山窓裡月明林影動禪心炯不眠寧有巴山夢

筇竹寺

博望南行路昆池杳若天自憐遷播客一住已三年
黃龍龕

看碑藉草茵倚杖忽移辰絕域驚文藻飄零愧古人

寺有楊仲弘碑文

正覺寺

隱々村園寺亭々竹繞門還期長夏日坐嘯辟疆園
海源寺

海眼藏雙樹峯頭壓百尋靈均遊未遠不見石為林

龍華寺

空宇三禪寂荒林七聖迷閑來丘壑興那復問東西

妙高寺

絕頂愁飛鳥丹霞隱林杪孤僧早閉門熒々佛燈小

普吉庵

松箐一何深細路縈百折行人歇松陰羸馬食松葉

夏雨不絕東張蜀望

滇南六月朱夏涼疊々雲嵐浮曉光林花含笑遠天
靜江草換愁終日長闌風伏雨迷客路回谷深谿非

我鄉城隅隔手不相見車馬經過林潦妨

王褒金馬碧雞

頌回谷深谿非士之鄉

雨夕夢安公石張習之覺而有述因寄

滇越隣天竺邛崃隔夜郎五離殊吟域一別異炎

涼竄逐他時並羈懷此夕長歡娛漸迢遞晤語若

暝茫嵐靄馥蒸國烟波瘴癘鄉秦關生馬角蜀嶺

斷猿腸折坂沉黎壁懸繩沫若梁南盤堆枸醬西

毳緝枕柳羅漢標孤檜觀音映遠楊湖街龍簇市

土人以辰日海貨具投莊一莊四莊為一具為卉服

喧叢薄雕題列大荒
逡巡鳥爨弄鳥爨古之鳥爨今之羅人也其

樂謂之爨弄唐世取樂府以為笑云噉咷白狼章白狼槃木今麗江姚萬夷也事具漢

書霄迥鳶飛貼星低蠱飲光夷人畜蠱夜出飲水有光如星之曳尾

裸風氛甚惡其地不時暴風如嶺南之颶風土人名曰崛裸風賦云裸揚塵也商

露毒仍防樹偃申家屋荷凋屈氏裳獨愁吟暄雪

九辨感清商永晝消棊陣流年付酒狂抨弓穿鵠

鷓鼓柸泛螳娘鷓鷯也澗名螳螂川名康姬示吳趨激鍾儀楚

奏傷盼婦頻握精憶舊幾停觴夙昔交遊日崢嶸

翰墨場金蘭通氣味桑梓借徽芒健筆誇鸚鵡靈

陶憂鳳凰執鞭從李杜傾蓋許班揚賈誼三書切

相如四賦良軼塵追騷裏缺岸倚躋群百斛控文

鼎千帆掣駛檣仙才輕綬且公望重珪璋蒲席青

規地薇垣紫界墻璇閨高申履瓊遊儼分行笏捧

綿囊奏衣飄畫省香輦花筵日蠹墀草佩珩保

直承明下經過常曲傍翠微橫半岫白水溢方塘

暝宿招提境雲眠蒼蔚房推歌塞辟荔漁影照滄

浪倏忽嗟岐路參差散頡頏薰華晨逗雨萱莢曉

凌霜拂鬱干將劍聯翩戍客裝峨眉臨絕頂瀟暨

宛中央樹蔭江楓赤庭蕪塞葉黃閉門非泄柳深
壘詎庚桑紛緒琴心懶衰顏心現匣藏屏居親狹偷
坐嘯和蛩螿張敏情還劇安知心好不忘形骸元脫
略身世且徜徉蚓壤甘怡搗漚心冥豈慕梁艱震盪
假問吾道任蒼蒼

孟夏苦雨不絕

積雨千家靜停雲八表昏青苔心甲子白水漏乾
坤祗益黔巫瘴塵沾屏翳恩愁心林詩欲繼繁露術
空存潮汐宵通井津梁曉隔門心何時集車馬明月

對琴樽

秋晴遊海源寺

林壑散烟霏鍾鼓喧清曉日氣抱巒陰虹橋上雲
杪離鴻海島來疑是三青鳥

升菴南中集卷三

垂柳篇

楚雄直力橋有垂柳一株婉的可愛往來
過之賦此志感

靈和殿前艷陽時忘憂館裡光風吹千門萬戶旌
旗色九陌三條雨露姿蒼涼苑日籠燕甸縹緲宮
雲覆京縣芳樹重、婦院迷飄花點、臨池見臨
池婦院總仙曹應制分題競彩毫詔乘西第將軍
馬詩奪東方學士袍金明綠暗留烟霧舊燕新鶯

喚朝暮只知眉黛為君顰肯信腰肢有人妬從此
沉淪萬里身可堪憔悴四經春支離散木甘時棄
攀折荒亭委踏塵搖落秋空上林遠婆娑生意華
年晚腸斷關山明月樓一聲橫笛清霜坂

次沐希甫山茶花韵

山茶競開如火然山城澍氣銷寒烟幾驚南國芳
華遠忽憶上林花信前賞心避地日多阻抱病閉
門春可憐黃須紫萼莫相惱青鏡綵樽非壯年

伏枕行贈敬應階

慎也投荒今五年竭來卧病左足偏臨床伏枕與
子別心斷神傷魂黯然憶昔去國行戍邊吊影纍
纍入瘴煙永昌試問在何處都門相遠萬三千虎
豹書橫林箐側魑魅夕度關山顛肝腸欲絕隴頭
水夢寐忽到夜郎天肉黃皮皺形半脫喜一見子
日周旋除館西河客樂土傾壺北道賓初筵悲歌
慷慨非壯士風流儒雅追先賢解鞍青華洞褰褰
碧玉泉抽子瓊敷藻枉我瑤華篇衰遲遠尋留藥
價寂寞時供買山錢同年意氣同兄弟異鄉會合

情尤異貧交豈歎雲雨翻急難實在風波地昂昂
嚴夫子矯々人中龍長才抱經濟大雅含春容叩
之清廟絙朱瑟懸之東序鏗金鑪我今甘心憔悴
窮山中子亦胡為淹留簿書叢朱輪五馬人生貴
青翰雙魚海若宮七澤霜風鳴五兩白蘋丹楓渺
予望分手遙指大江西愁心已掛在廬上嚴夫子
交誼非凡流往時傾蓋今白頭子行高步隘九州
我病崔隤思一丘水蛭草駢那忍棄雲鵬籬鷄難
相求待子功成採藥木山去期子共結逍遙遊

懷音篇寄張惟信學士

昆池望漢沼滇徼視梁岷音耗兩迢遞眺聽一傷
神他鄉非故國濁水限清塵怕脰徒佇想送軀狼
何因有客來天末開緘慰飢渴殷勤訪死生綢繆
申契闊光儀欵若親窮愁暫如撥萬里向炎隅五
載困羈孤山川夢張敏岐踞泣楊朱燭龍屢遷舍
胎蚌幾盈虛情隨瘴嵐結竟與迴飈俱憶昔承嘉
會弱植連英帶明輪仰重離巖澤資雙允取則斧
睨柯同聲竽混籟曳佩步文昌抽毫逼華蓋鳳液

接雞栖退食競招携黃山上林苑玄壩曲江堤齊
繞拾瑤草對榻然青藜郢客傳歌妙周郎顧曲迷
傳歌還顧曲懽移成別促寧知嚶鳴鸞忽作徘徊
鵠去々背榮宴行々赴巖督三陟阻且長百罹紛
交屬考槃宣中阿離索異西河螭頭輟彩筆鶴膝
擁瑠戈北道主人少南方遷客多碧雞冠曾領赤
虺隣荒憬闔荆坐剗跡剪茅旋栖影樵爨分獠烟
桔槔通棘井鼓腹畏含沙延頸愁添癭集鏡嘯邊
陬篁竹跳蠻酋契家竄草莽乘障徠地整乞糧公

山氏貨粟監河侯蓬翹隨樹羽桃梗泛苔漚風霜
瘁筋力蒲柳凋顏色居夷寡鳳嬉求仙拙鷓息衰
白歲不與黃昏日下稷新知詎相聞久要難見君
皎々共明月悠々間白雲棄置勿復道伊誰竟此
云天山蘇子卿遼海崔亭伯舐望洛陽城銷志長
安陌跛鼈羞騎伍委羽非鴻翻下瀝饒薄田東臯
餘廣澤還鄉倘有期從君訪黃石

答張工部季文

美人別我歲幾華綠草五見生天涯東風東來飄

錦字豁如青天披雲霞往年君上秣陵去海夢橫
分溧陽樹今茲君望溟城還風光又隔點蒼山佳
期不得同携手悵悵令人雙鬢斑

踉蹌操

二四六八十古

踉蹌操升菴子之所作也升菴子流戍滇
陰朱克明左性之二子惠然肯來濯我同
波如逃虛者踉位其空聞人足音蹌然喜
矣况而嚶其鳴矧而粲之見又矣夫子之
據梧而弗音也感詩人徵蒙莊反昭文焉

使繼之作踉蹌操

更長夜良明月養魄華燈熺光戍客遠家萬里美
人來天一方誦謫仙惜餘春之賦歌屈子悲回風
之章將予逃禪兮如是觀之域與子中聖兮無何
有之鄉

畫草蟲行

天下幾人畫草蟲吳興公子癡孫隆水鱣雪練鳴
趨々丹屏繡几飛翳々漁父蜻蜒愛釣縷美人蟋
蟀嫌雕籠百種生意何融々夷羊非羊鴻非鴻長

御帶晚翠簡子矜秋紅王孫西遊歸未得清江碧
草煙濛、憶昔曹不興點蠅或願翁滕王掃蛟蝶
摸榻喧唐宮宋家道君入能品鸞標鼉軸沉毡穹
古來好手竟寂寞老癡江東儼絕蹤君不見醢雞
發覆天夢、蠓飛磴雨春飛風小痴大點應物理
孫痴非痴乃其聰痴翁之死誰繼出西川曹狂稱
最工痴狂乃有兩絕藝燭耀滇南與江東竭來曹
狂數相見吮豪仰紙驚飛蓬月坡仙子好奇者賞
鑒自與山谷通鳳嬉亭前月瞳、更僕不知寒漏
終銅盤燒蠟春如烘懸圖索賦何匆匆蚊脚細字
盈方空酒酣操觚持似公雕刻自愧吾家雄

寄徐用先程以道

軒轅臺畔雪霜寒陰磧茫茫、萬里寬夢繞盧龍明
月易書隨鴻鴈朔風難天涯好在崔亭伯海上終
還管幼安應念瘴鄉孤戍者自將形影吊衰殘

浪穹縣

鳧鴈啜喋菱苻光翡翠搖裔蘭茗芳古寺雙林帶
煙郭平湖十里通春航遠夢似曾經此地遊字恍

疑歸故鄉桃源仇池到處有萍浮梗泛悲蒼茫

野雞坪

野雞坪邊饒雜花幽蘭石竹交山茶可憐春色浩
無主徒使騷人惱鬢華

興教寺海棠

兩樹繁花占上春多情誰是惜芳人京華一朶千
金價肯信空山委路塵

泛浪穹海中

峯頭才見一泓幽沙尾驚看四岸浮沅水羅文堪

並色嘉陵石黛迥添愁秦源欲問苑花渡
迷杜若洲亦有滄浪舊歌曲晚來乘興更扁舟

觀金澗甫畫壁歌

壽亭侯廟蒼山傍金生畫壁真擅場只今一百五
十載火旗雲馬神揚古來好手吾能說開元之
中三昧絕左衛將軍李思訓右丞才子王摩詰金
生動筆師王李古法不墜今罕比何時放遣來滇
水尋竒亦過蒼山址乘興欬然掃素壁蛟龍抃舞
長風起千年戰功猶昨日颯爽英姿炯不死想見

解衣繫磚時寂莫後代覓心知蛛絲蟲網日凋壞
賞者何人護者誰翻嗟古來士才無沒亦何限感
慨為爾擊節生遙悲

觀汝南王玉磬碑引

汝南帝子真天人冰壺玉樹凌風塵心源早契空
門地意象遠寄荒岑濱步折峯頭舉肌草直登萬
頃曾霞杪入金鞭九馬蒼煙叢青桂上騎紅雲鳥伐
石何人得磬襄豐碑擊作聲琳瑯鳳凰毛羽落丹
穴蛟龍文采蝓銀潢山圖郡乘難收採波瀾東逝
星辰改眼見雙林成古丘誰問君王仙跡留可憐
南浦西山外猶有鳴鑿歌舞樓

浩然閣舟泛同李仁夫作

莽蒼野色杳無津湖翠波光欲蕩人空籟迴聞王
子吹非烟遙起洛妃塵明朝君上仙槎去也憶狂
夫夢海濱

帝釋山

帝釋山頭雲滿谿東菴飛雨西菴泥碧潭照眼石
鯨動翠微當面林鷲啼濛濛香霧花層濕漠漠生

烟樹點齊傍險銀鞍應未怯玉壺清酒為君携

秋夕效六朝體

美人別我去春恨滿薜蘿况是新秋夕相思芳歲
徂月纖京兆畫星點漢皋珠峯霞張錦頰池激湛
清矚物色那堪對情悰可忍孤將懷結楚夢流思
向雲巫

素馨花

金碧佳人墮馬粧鷓鴣林裡鬪芬芳穿花貫縷盤

香雪曾把風流惱陸郎

陸西只南中行紀云南中遊
女以采絲貫素馨為飾事

見南方草木狀貫
花繞髻今猶然

毛東鎮園千葉梅

今年朔氣凌炎暉雪後見森千葉稀空谷倚竹翠
袖薄洞戶穿燈香霧微婢娟莫待月初賞綽約即
愁風乍飛繁霜旅髮不羞汝爛醉宿筵簪香朵歸

題扇贈張愈光

張子扇頭水墨痕畫我讀書秋樹根天涯對此各
感慨我未成歸子苦奔空谷白駒形影瘦南山玄
豹風塵昏孔明廟前老柏樹商聲激越歌無句門

外僕夫引西踞點蒼嶙峋奔回互

射虎圖為顧箬溪都憲題

錢選好手工白描粉墨丹青色沮喪細觀逸跡迥
不信氣骨深穩形蕭放中丞此圖開似我行行遊
獵極殊狀漢家昔日李將軍生射猛獸天下聞彎
弓半夜沒白羽飛鞚晴晝生黃雲今之畫圖無乃
是披卷似覺陰風起積雪慘淡長白山草木蒼乾
松漠間將軍身乘大宛馬從騎亦是驍雄者合圍
射虎虎帶箭相持不肯遽相下虎鬪馬驟兩若飛

咆哮欲震且以平瓦東海黃公魯卞莊裴旻舞劍相
頡頏古來並々者數子繪事簡冊傳芬芳何物少
陵愁杜甫短衣南山思射虎老驥伏櫪悲鳴苦壯
士哀歌淚如雨天狼煌芒直威弧安得此輩西滅
胡却走馬歸報神都為獻單于款塞圖

立春滇郭西看山茶

山國山茶太繁品春盤春菜先此筵多情日日花
懊惱無賴家々香接連河陽少年亦好事杜陵老
翁惟醉眠歸來橫枝猶照眼焰紫焚紅君馬前

辛卯除夕飲潘郎金斗歌

主人新得黃金斗，好客尊前為余壽。招搖揭柄轉春星，沆瀣騰波挹仙酒。天涯今夕歲云徂，痛飲狂歌夜良久。乍可用爾為鴟夷，萬事盡付持杯手。君不見商彝周鼎徒聞名，見之不識人不取。

謁二忠祠

學士文章懸日月，尚書劍履上星辰。九原松柏香臺夜，雙廟蒼苔影座春。山鬼嘯歌塞薜荔，海童奔走薦芳蘋。過經此地同揮淚，况是江潭放逐臣。

春日過山家

山床厭春酒，滴作澗泉聲。與君終日醉，松風吹復醒。
春泛晚歸

滇海橫波搖遠天，青峯影在柁樓前。汀蘋嫋嫋風色起，岸草萋萋春興連。漁父濯纓歌鼓柁，姪女當壚工數錢。醉歸不噴無兩炬，東塔已高西月弦。

宿華亭寺

花樹高於屋，紅霞夜照人。聲枝上鳥也，似惜餘春。天風與海水，鳴籟隔山聞。半夜衣裳濕，清朝樹雲。

卧月引為錢節夫賦

昆明池上逢錢郎青雲為衣白霓裳手持寶月金
仙謁口誦明星玉女章自言五華峯頭住夢遊玄
圃樊桐路御風學霧雨無心惟愛月華籠海樹少
年名姓懸月中老去猶充修月戶月裡仙人宋無
忌持斧吳剛作仙使下界愛月升高丘步虛一聲
龍白頭何如放舟卧明月仰看銀河天倒流乘鸞
翳鳳過北斗招景煌煌酌天酒玉兔為脯桂作薪
咲携吳宋兩

不醒嫦娥起舞偷

花春

江干行答禺山

吳娃江干采芙蓉陳王洛浦賦遊龍忽驚繡帶香
風起漸覺羅裳珠露濃不緣織女星邊見定是嫦
娥月下逢逢君薦枕對襄王別若解珮悲交甫青
雲窈窕曼聲歌綠水迴環垂手舞鸞歌鳳舞無雙
人燕歲鶯年二八春百末蘭生延夕漏九華采燈
爛晴晝金屏花裡活秦宮寶帳香中隱韓壽迴黃
轉紫返復間得新捐舊須臾後舊人顏色昔曾新

新人恩愛行當舊舊人紅袖泣前魚新人翠羽綴
燕裾阿嬌怨賦金難買蘇蕙迴文錦不如濁水清
塵坐長嘆空留可憐誰相於

後河激歌

河激歌者矢魚沐雨而作也

携女娟兮遊清池臨徬徨兮步委蛇翠管兮東
蔘丹蓉兮西披俄風鬟兮靈兮鬋忽雨帶兮雲
衣憎余脰兮延佇望君馬兮來遲

翡翠為竿兮虹蜺為絲拾海月兮采江歷媿魚
媵

兮槽龍妃蘆中人兮怙倡空悲前有樽酒兮羞以
溘芝君不醉兮鳥歸

謝周健夫惠易治劍歌

仙翁劍客元同流昆吾歐冶誰能傳鑄成寶刀
曼琳瓊蛟龍宛轉盤斗牛上有欵識燦銀鈎隱
隱起如雪色浮天吳俛首黔羸愁白日犀塵不
敢留却鼠鳴鴻赧然羞使君得此自玄州太行
剗風鷹卓秋何物妖魅干天囚一揮可當萬
統貅歸神日母扼地喉霜稜霞燄夜不幽獨騎
赤驃馬棗騮身披

昂藏日本表上黨靈罕蹇蜺幘星沙月蝟輝滄洲
天門信信虎豹虺瑤臺佚女之蹇脩歸來茵閣與
蕙樓水擬方壺山擬緌吹首一啖嗤莊周生平不
能作削謳乍可公孫舞纏頭蓬髮濡墨驚潛蚪雲
岑仙人意氣投解后贈我千金酬沉烽靜杵無國
仇含光承影將何求夸蛾巨靈機已休洞庭君山
如苔漚他時相携只嶠遊

石雲寺見山以余寄禹山子

江海山茶早爭新點蒼逢春憶滇春金碧同遊似

昨日紅素兩芳如故人此山見花還載酒醉歌激
越喧林藪莫看華髮驚客心且喜風光入吾手

升菴南中集卷四

光尊寺別愈光

萬里炎荒萬里身銷魂何事別離頻
光尊寺裏桃應笑回首東風九度春

大理春市因憶李仁甫

海國櫻桃市春山蘭蕙遊青絲盤
驪裹紅頰醉扶留狼荒金莫辨
鮫宮珠暗投佳人眇天末因之問
阻脩

流螢篇

沉沉鴈沼鬱棲連，隱隱龍宮熠燿然。
濛濛晴零雨東，山下颺轉薰風。
南陸邊可憐，合暈暉玄夜，可惜分
華簇絳天絳。天玄夜景微茫，冰簟銀牀，
漏未央誰家院落。非天燭何處園林，
不夜光夜光，灑露下天燭。涼氛瀉陰火，
遙穿翡翠簾。流星近度，鴛鴦瓦，此時蟋蟀罷宵征。
此際蜩蟬停沸聲，長門團扇班姬，闈阿房卷衣，
秦后屏蘇婦下機，粧不理。卓女當壚酒半醒，
為見流螢思遠道。為感流年惜芳草，暝看雙星，
炯不眠曉望長河白，如掃蕩子從軍，向月支

閨人對影滯秋期，蚕書宛轉連環字。
鴈帛殷勤織錦詩，願得逢君拾光彩，不教賤妾斂愁眉。

雨後見月

雨氣斂青靄，月華揚彩雲。戲魚蓮葉北，驚鵲樹枝南。

雨夕避漏起坐 二首

滯雨蒼山夜，停燈伴客愁。詰朝明鏡裡，華髮颺先秋。
雲房遷雨榻，枕席藉盆罌。似向東林宿，蓮花滴漏聲。

積雨始晴

霽曉憑高處，涼風吹我襟。海天堪倚杵，嶺樹小如簪。

題竹

帝子瀟湘渚乘鸞嬾邊可憐江上竹猶帶古時烟

三塔秋日

始見椒花綠又驚椒實紅客心正鬱作底對秋風

存歿絕句 八首

何遜重泉別范雲清淚多他年淮隱處腸斷八公歌

右何仲默

章句傳燕國風流有薛君千年濠上意寒向誰云

右薛君采

東京崔子玉卧病隔清漳天上青藜燭何人白玉堂

右崔子鐘

張公滄海客大雅起溟雲未許乘槎去蛟龍射斗文

右張愈光

碧雲停日暮華月照芳池夢回歌玉樹病渴憶瓊枝

右余懋昭

近有錢塘信斯人亦可傷更憐新特在猶喚舊江郎

右江景孚

一棖遼東鶴千年竟不歸夢魂回永夜相見是邪非

一疾緣醫誤孤蹤住世慵淚痕添沫水名字見我峯

右劉汝楫

右安公石

甲午臨安除歲

去年除夕葉榆澤今年忽在臨安城斜看暮景飛
意正念天涯流滯情寒梅判山我欲寄烟草滙江誰
喚生隣墻兒女亦無睡歲火天燈喧五更

有寄

寶刀截水恨難裁玉筋啼春濕未開昨夜陽臺夢裏

雨夢魂飛過曲江曲

南中曉寒曲

南中異節候北陸戎衣表鑪夜凍玉撲速朝寒金畢
逋可念無衣客誰徵寒與襦

夏水謠臨安作

階簷下雨戴帽龍女嫁天公笑日反燒水淹竈巖
洞青鼉上樹叫

飲祁氏園

今日花前飲祁園是習池山翁不若芋爭奈葛強兒

卜雲林篇

卜雲林篇為吳郡王元肅雲林山居作也
元肅不遠滇徼懷我好音乃取遠遊擬招
隱綴斯篇

卜雲林兮栖真結靈茅兮遠濱迥與太初為隣離
世遺物絕塵生魚鳥自來親人

射干獨立山椒長松若若英標覆露玄雲素朝結
璘鬱儀相遠景界一何參寥

長謠淒淒錙錙鸞雛鳳伯相將鷓鴣雞群晨成行西

天老胡文康上雲樂奏俯倡

吟篁肅祠四清間宮變徵希聲井公下博明瓊玉
女投壺電生炤景飲醴含情

析醴曉踏瑤茸琅玕琦玕交擁柯檟葉抱花捧重
露成帟垂隴晞髮忘言息踵

處雄虹兮標顛玉樹青葱際天口誦石室苔篇坐
飲金膏冷泉烟如龍漢初年

橫看晚靄嵐沉食食沉瀝淪陰微披蕙帶蘭襟追
和遊山九吟聊以陶鑄塵心

采秋菊兮露沾黃菁玉豉金盃充物丹房藥奩變
化七鳥九蟾後天獨秀蒼黔

織落毛兮為衣谿谷杳窅迂威駿狼薦暖長暉弄
徹梅軫蘭徽看舞素雪朔霏

解澌圓折璿流回淵比心清眸遊鮪皎鏡中孚邀
想惠施莊周千載一朝同遊

歎物論兮難齊甘滅景兮雲栖鷓鴣何心驂騑升
高或斧之梯誰言亨衢可躋

兩無悶兮潛龍歲寒後雕惟松雲林朝市雍容達

人何心標蹤逝將往兮君從

升菴南中集卷五

邯鄲才人嫁為廝養卒三

序曰予觀樂府有邯鄲才人嫁為廝養卒
婦篇特亡其辭亦失其解及考史記張耳
傳洎楚漢春秋并云趙王武臣為燕軍所
獲囚於燕獄先後使者往請輒為燕所殺
趙有廝養卒謝其舍中曰吾將載趙王歸
舍中人笑之乃走燕壁以利害說燕將燕
以為然乃歸趙王廝養卒御王以歸武臣

婦趙以美人妻養卒以報之是其事也予
觀養卒有戰國策士之風太史公書其事
文既奇樂府歌其事亦奇矣六朝及唐人
擬作者皆似眯目道黑白雖吾鄉太白亦
迷其源昔吾亡友何仲默一日讀焦仲卿
妻樂府謂予曰古人惟此一篇更無第二
篇也凡歌辭簡則古此篇愈繁愈古子庶
幾焉可作一篇與此相對予謝未遑然亦
未有茲奇事直當之也上云今二十年屏居

滇雲平晝無事散帙見此事思與仲卿事
適類復憶仲默言乃操觚試為之以成此
篇惜不使仲默見之永昌張愈光亦仲默
文字友也遂徃一通以寄愈光云

團團桂花樹生在邯鄲宮翩翩翡翠鳥結巢丹桂
叢花紅何灼灼翡翠何雍宮中有才人顏色如花
紅青雲為雙髻明月為雙瞳十三阿母側十四深宮
中貞心比筠竹榮華如茂松左手抱齊瑟右手揮
吳桐紫綺為綢繆紈素為裁縫懶隨明點黠龍涎

薰褶襖楚蕩華跼薦燕支唇珠融揚子江心鏡百
鍊照膽銅複帷鎮文犀列錢銜壁釭被綉共命鳥
席坐同心狻蜻蛉捷鳳子雞翹濯鳧翁春祺燕乙
乙曉寢蟲夢芳池七十二寶帳三千重名用琬
琰刻臂用絳紗封昔似河中鷺今隨雲中龍雲龍
不可係河鷺那得從君王好遊獵將軍射飛鴻青
樓臨大道層城俯雕甍燕兵北方來陣馬如螻蛄
惡氛起廣陌襄國迷旌幢悠悠俄轉轂去々成飄
蓬暮看月出西朝看日出東君王不可見日月光

瞳曨湛盧失吳劍烏號亡楚弓左將名飛虎右將名
飛熊前軍千人後後軍萬人雄中軍張與陳耳心
餘腹同前使叩燕壁後使躡前蹤去節何揚々歸
魂沓檠々後車戒前覆咫尺不敢通王宮懸賞格
賞格厚且隆侯印方斗大金帛嵩丘崇不愛印懸
斗不愛金堆嵩宮中有才人顏色如花紅青雲頭
上髻明月眼中瞳十三阿母側十四深宮中逝將
脫薪樵婦來取華容將軍問何人竈下廝養童軍
中駭且異駭異交譏諷爾廝一何蚩爾養一何蠢

爾去何當還無吉祇有凶左將名飛虎右將名
飛熊前軍千人俊後軍萬人雄往、不生還累、
形影空翻、虎狼吻嗟嗟么麼蟲養卒含笑言君
豈知我衷君亦勿賤、君亦勿庸、君亦勿少、
君亦勿窮、勿以江海流棄捐溝與滾勿以芝蘭
芳棄捐菲與藟勿以楸櫨貴棄捐薤與葱君道如
踐棘我道如折菱君道如探湯我道如撥麴我去
車搖、我志不鼓、朝發趙北際暮望燕南衝沐
露轉磨石戴斗但崆峒行行日已夕停輶易水

陰當門報燕將言有趙使臨使者問燕將試言探
臣曾燕將語趙使以爾欲得爾王趙使笑不止爾語
賸且霽燕為唇共四國趙為輔車邦張耳與陳餘飢
鷹待勁風交游如父子遯秦聯翼獲一朝仗馬箠
下趙數十城各有南面志機會不巧逢勢屈武臣
下立王持趙心趙地今已定趙王為燕禽耳餘握
趙柄武臣受燕籠王婦二人臣王囚二人公肯迎
生王輦惟逆死王軼死王良實願求王但虛名王
竟化燕氛二人喜無坤內舉全趙勢外折弱燕鋒

問罪始有名仗義不待攻王今兵在頸行見雉離
罇臣來吊燕禍不求歸趙功燕將色如土燕王曾
如春乞爾趙王歸急歸在匆、出門不復顧仰天
荷高穹養卒御王歸喜氣如渴虹前歌揚金鑣後
舞踏錦幪慶卿羞替亢陳馳慙遷共惠公返曲沃
勾踐復吳淞山川再清朗天地重昭明智靡秦檮
里勇冠夏逢門銅斗笑刺客玳簪惡談朋三軍咸
嘖、衆口交喁、升為堂上賓永脫竈下烘張筵
列樽俎烹羔宰肥豨繫、係印綬瑟、穿玲瓏陽

阿七盤舞中山酒千鍾厚賞陳前墀養卒辭未終
宮中有才人顏色如花紅可憐桃李子降作糟覈
供始笑周尾生抱柱流寒淙復笑蘇季子愚婦不
下綬陳餘娶公乘張耳婚外黃持將比才人才人
姣無雙宮粧揚嫖都野態減妖穠殷勤語才人才
人莫心忪好去偕新郎新郎非蚩氓繁華少佳實
麗色幾歡悰請看古美人命薄恨常濃驪姬死晉
市西施沉吳江黃鵠悲陶嬰蝴蝶怨韓馮為汭兩
皇英南望九疑峯班竹淚點點瀟湘波洶洶章華

貯巧笑細腰如黃蜂峽夢啼露後江眺傷青楓阿
房三十六烈焰驚丰茸娥娥捻薄命鳴歌懊懷
相逢恨蘼蕪相思苓芙蓉尔名播樂府尔芳輝管
彤寄謝東隣子學步休言工

升菴南中集卷六

贈沐錦衣

仙山名五華迢上烟霞道逢兩仙童駐鶴問仙
家仙家住仙村木門蒼琅根英衆公子楚諸
王孫舍後有碧梧鳳皇將九雛鳴聲何喈聞我蓬
萊壺兄弟八九人中子執金吾木公酌醴泉金母
斟雲腴墳箎吟何曲歷種白榆大婦七襄女中
婦重輪姝小婦無名字彷彿秦羅敷文人且安坐
日出東南隅

夢中作宮詞

長信宮中夜未央
班姬團扇畫秦王
三更雲屋西風起
翠粲紅羅滿玉霜

卧佛

金仙疲津梁
雲卧恣天行
菩薩嘆退位
未盡區中情
二諦憑誰解
松風與水聲

禹碑歌

禹碑在衡山
絕頂韓文公
詩云响嶠山尖神
禹碑字青石
赤形模竒科
斗拳身薤倒披鸞
漂鳳泊挈

虎螭事嚴跡
闕鬼莫窺道
士獨上偶見之
我來咨嗟涕連
漉千搜萬索何
處有森々
絕樹猿猱悲
詳詩語始終公
蓋至其地矣
未見其碑也
所謂青字赤石之形
模科斗鸞鳳之點
畫述洪道士口語
耳若見之矣
發揮稱贊豈在石
鼓下哉
治宋朱張同遊
南岳訪求復不獲
後晦翁著韓文考
異遂謂衡山實無
此碑反以韓詩為傳
聞之誤云
再考六一集古錄
趙明誠金石錄
鄭漁仲金石畧之
三家者古刻
助列無遺獨不見
所謂禹碑者則自
昔好古名

流得見是刻亦罕矣碧泉張子得黑本於楚持以
既予予撫卷而嘆曰嗟乎韓公所謂事嚴跡闕者
信夫不然何三千餘年而完整無泐如此何昔之
晦何今之顯晦者何或翳之顯者何或啓之天壽
珍物神饒吾嗜不必以生世太晚為恨也已作禹
碑歌以紀之

神禹碑在岫峻尖祝融之峯凌朱岑龍畫傍分結
構古螺書匾刻戈鋒鉅萬八千丈不可上仙尚靈
鑄幽以洪昌黎南遷曾一過紛披芙蓉塞水簾天

柱夜瞰星辰下雲堂朝見陽輝遲追尋夏載赤石
峻封埋古刻蒼苔黏拳科倒薤形已近鸞漂鳳泊
辭何纖墨本流傳世應罕青字名狀人空瞻永叔
明誠及浹滌集古金石窮該兼助列箴銘暨款識
橫陳駢躑和釜鬻胡為至寶反棄置捃捩磨礧捐
烏蟾又聞朱張遊岳麓霽雪天風影佩褱搜竒索
秘跡欲徧春倡撞和詩無厭七日崎嶇信有覲一
字膏馥寧忘拈非閑喘嶮阻登陟定是藤葛籠
窺覘好古予生嗟太晚拜嘉君貺情深快老眼增

明若發覆尺喙禁斷如施箝七十七字拏螭虎三
千餘歲叢蛇蚺憶昔乾坤漏息壤蕩析蒸庶依苓
慘帝嗟懷襄咨文命卿佐洛洞分憂惓洲并渚混
沒營窟鳥迹獸迹交門簷竭來南雲又北夢直整
西被仍東漸黃熊三足變鮫服白狐九尾歌麗禡
後乘包湖受玉籙前列温洛呈疇臚永奔窟舞邪舜
朕平成天地猶垂謙華岳泰衡祇鎮定鬱塞昏徒
逃喁喚文章絢爛懸日月風雷呵護環屏黔君不
見周原石鼓半已泐秦湫詛楚全皆殲此碑雖存

豈易得瘡有嵐靄峯嶼巖罅立曼絕柱藜藿吊影
颯瑟森櫛柵湘娥遺佩冷斑竹山鬼結旗零翠歛
造物精英忌洩露祇恐羽化難留淹欲摹拓本鐫
崖壁要使好事傳緗縑著書重訂琳瑯譜裝帖新
耀瓊瑤籤麝煤輕翰蟬翅榻煩君再寄西飛鷁

温泉再過懷李仁甫

仙源靈液逢壺境碧杜紅蘅慵照影美人來時寒
谷春美人去後温泉冷

送周子籲工部北還

潘岳賦西征江淹黯別情羊腸紫隴坂龍角繞吳
城晚眺澄江靜晨浮洞浦清石帆風外矗沙鏡雨
中明愁聽丹楓落勞歌白芷生杪秋遙夕夢殘月
伴長庚

讀余懋昭遊青城山詩因寄并寄韓飛霞

白沙一百八渡青城三十六峯樽酒此時相憶烟
霞何日重逢

冷節

花嶼月籠釣碣柳店風搖酒旗四十五春寒節一

百六禁烟時

祿豐縣西蘭谷

響水關水繞蘭谷蘭之猗々環谷芳瑤渦玉湜湧
神瀆綠葉紫莖涵帝漿湘纍採作美人佩尼父嗟
為王者香懷哉千古兩不見獨立蒼苔愁大荒

紺甲觀人

銀甲卸彈箏花從玉指生逡巡捲羅袖掩抑捧金
觥莫摘相思子瓊枝最有情

寄任少海

五嶽山人相憶八行書札遙通吹簫夜郎月下采
藥白帝雲中塵世英雄易老浮生踪跡難同張衡
四愁吟斷宋玉九辨悲窮

華燭引

華亭席上酒闌樂闋禺山張子愈光編梁
人燭賦碧玉舞羅羅棠單之句歎其驚絕
而惜其非賦體也抽毫襞紙屬予增損其
辭以為華燭引

六螭稅駕眠虞淵三爵行栖珠樹烟雲母疏窓花
作地茱萸綉帳錦為天銅芝抱蒂復纏柯金藕相
縈共吐荷虹貫彩翬迎雨歇蜜催香焰送風過桂
華漏促頻銷麝蘭盡天寒不畏蛾徐吾東壁機絲
少郢相南方書誤多菖蒲傳酒座欲闌碧玉舞罷
羅裳單留雲影射荆王枕泣露光搖漢帝盤攬帶
盈君不見脫纓脉脉兩相看

又別擬製一篇

紫霞西沒白日陰蘭膏明燭洞房深蛾飛迥向
蓮臺度螢燭平臨桂炷沉鶴露鴈霜驚早寒寸

心斗酒奉君歡，火齊蟠烟全的樂。銅荷垂盡半闌干，
座中碧玉好名倡。清驢曼睪爛齊光，燭花剪作
雙胡蝶，蠟淚融成兩鳳皇。便面障眉掃蛾綠，搔頭墜
髮渲鴉黃。綺結交窓窓拂曙，金鈿銷香香滿絮。直
翻漢回奈若何，顧影徘徊送君去。

梅花引

隲括梁簡文梅花賦

層城靈苑上林中，芳菲奇樹幾多叢。華滋一一寒
圭變，彩艷紛紛朔籟空。年歸泝氣新，搖芸動瑄塵。
共憐梅花早迎陽，已逗春吐華。四照林含英，九衢

路玉綴明冰，懸珠離雲令。霄布漂雪影，遙沉隨風香。
遠度靡、挂遊絲霏、雜驚霧樓上爭落粉，機中
妬紈素。二八三五年，蘭心蕙質嫺采芳。驚稚節抱
恨惜餘寒，袖服華袿薄。文衣綉駉單，顧影下瑤妃。
纖手弄嬌姿，雙開翠琅牖。四捲絳羅帷，春風吹梅
畏落盡。賤妾坐此斂蛾眉，琴聲吟弄梅花落。鏡裡
容華恐失時。

鷓鴣歌

紺宇流霜豆房冷，華燭蟠烟舞交影。中有一人字

鷓鴣飛爵騰觚，眇斜領蓮花漏水。夜無多，莫將金
滴比銀河。願為楚女巫山之行雨，不願作甄妃洛
浦之凌波。

關山月

迢迢賤妾隔湘川，杳杳征人戍朔邊。分弓營對珠
龜缺，掛鏡臺臨玉兔圓。紫塞風烟白，登接黃河波浪
黑。山連何時空外，嬋娟影還照樓前。歌舞筵。

效古塞下曲

長榆塞上接龜沙，碎葉城邊建虎牙。夜、月為青

塚鏡年、雪作黑山花。蘇武白頭持漢節，文姬紅
淚泣胡笳。可憐首着迷征馬，誰見蒲桃入內家。

月團茶歌

唐人製茶碾末以酥滫為團，宋世尤精。胡元入中國，其法遂絕。予效而為之，蓋
得其似。始悟古人詠茶詩所謂膏油首
面，所謂佳茗似佳人，所謂綠雲輕綰，湘
娥鬢之句，飲啜之餘，因作詩紀之，并傳
好事。

膩晶腥醜芳醕闌粉搶末旗香杵殘秦女綠鬟
雲擾擾班姬寶扇月團團蘭膏點綴黃金色花
乳清冷白玉瀾先春北苑移根易勺水南澗別
味難

中丞白泉汪公生辰值安南款報至

金湊銅柱貢函來象渚龍編道路開上將簡書
回北極中丞勛業冠南臺擬將萬舞排家宴欲
取饒歌獻壽杯節鉞可能淹袞馬明年何地望
三台

長干三臺四首

鴈齒紅橋仙舫鴨頭綠水人家邀郎深夜沽酒約
伴明朝浣沙桃葉波橫風急梅根渚遠烟斜

日出秦樓南畔春深宋玉東家簾細眼波易透窓
疏眉語難遮莫問河陽消息不是長安狹邪

絳樹纖腰鬪柳碧玉芳年破瓜波上襪羅回雪風
前唾袖生花自有石城艇子不須油壁香車

二月稍頭葢菴五更風外楊花殘香尚留翠被餘
粉猶沾絳紗樓上曉鍾催起岸邊柔櫓啞啞

哭徐用先

子卿還絕漠賈誼返長沙共喜天才定俄驚日已
斜顏峯紫九折逝水繞三巴掛劍應無地飛蓬慘
淚笳

看花出郊村店小飲

異國平居野興深花邊立馬此登臨雲林未許成
歸隱塵世惟思學醉吟若下風流新蟻綠長安春
色舊貂金芳菲遲爾來何暮葉底流鶯正好音

春夕潘園

雨砌風簷墮揀花蟲書鳥字遍晴沙春山載酒馳
朝馬江閣邀賓起暮鴉陶令葛巾後滲漉管寧紗
帽任欹斜殊方未覺追隨盡常曲風流更爾家

珠履曲

漸臺織女跂東足

甘氏星經織女東足曰漸臺

襪羅不染銀河

綠飛下天邊三素雲來舞人間八琅曲白紵繚繞
豐趺光掌中無力踏春陽共命縷纏雙躑躅同心
絲綉五文章姍姍輕盈邯鄲步嬰跂勃窣漢宮妬
香裙漏影蝴蝶飛蘭膏明燭翳宵暉金杯漱灑浮

金飲玉山摧頽偃玉寢夢裡俄驚月入懷醒時却
訝蓮生枕雪皴霜皴起夜來花歌柳弱臨高臺臺
牛呼龍種瑤草不遣仙踪印埽道笑殺梁家與石
家折腰香塵何足誇

升菴南中集卷七

贈汪泉翁

西土滇雲鎮南天執法星尚書崇禹衛大雅重周
屏聖化彰無外皇心佇靡寧分已召管繡掛劍倚
鐔青吉日占風角凶門背斗刑威以聲先象渚敵瀛
到麓冷玉帳通降表金標已勒銘風馳凌汛掃火
急驗灰釘春壤重看闢宵關遂不尙帝圖輿外拓
王略俎邊經勛業今昭鼎文章舊發研調高清瑟
倡名並色絲馨芳潤三霄露濤瀾六月溟過都誇

驪裏傾國掩娥經谷響丁丁水波縈泛萍
出城郭暢轂駐山亭墨許池中洗歌容澤畔聽真
堪慰遲暮渾欲忘飄零信宿慙鴻渚生涯老鶴汀
陳雷千古誼一羽在仙真

答段德夫水部

自笑嵇康懶雲林絕舊交寧知千里翮肯問一枝
巢

天涯戎旅春一十五回新多情花與鳥歲歲肯留
人

幽蘭深谷底感此歲芳徂欲問丹砂訣吾非勾漏
徒

漢上題襟句梁朝水部才錦書何處至羅戶爲君
開

飛燕詠

飛燕元傾國合德更聯芳歌舞平陽第膏沐溫柔
鄉涎宮中去雙天上翔露華百英粉沉水九
迴香李文明襪練石花凝袖粧金釭星列影珠帳
月齊光避風遠條館沃雪浴蘭房香湯不沾體仙

颺空引裳吹簫慶安世持履馮無方嬌愛詎終極
榮華安可常禍水一以浸炎火允不揚莫誦伶玄
傳徒令樊女傷

閏七夕

閏月新秋重七日金風玉露夜如何似憐天上佳
期少特遣仙姬再渡河

太華寺即事

舊雨高峽上新晴太華中松門幘仙靄蘭渚鏡文
虹鍾動烟光紫燈然暝色蕙山僧多養馬疑是古

支公

寄任少海李仁夫

擬折瑤華遺好俯攀援桂樹且淹留金膏水碧欣
相待翠觀岑青悵獨遊海動三山任子釣溪通九
曲李仙舟東南孔雀飛何遠西北高樓雲自浮

芳蘭引

廣莫風中小歲春百昌未吐蘭芽新柔芸都荔元
同節園柳宮梅且後塵南國美人東家子若英華
采茗榮比蕙樓蘭閣起江邊綠葉紫莖羅戶裡崇

佩朝充翡翠囊温湯夜試鴛鴦水博山鑪中
香鬱金蘇合一都梁靈鎖胡繩慙都烈鄴光之掩
芬芳曾聞旨酒布蘭生復有雅曲猗蘭名願分明
燭徐吾影來媚國香燕姑情

西施詠

美人出南國名字號西施鸞舞隔烟霧魚驚沉網
絲輕盈羞燕尾窈窕妬蛾眉一入吳宮去姑蘇麋
鹿時

代贈二首

懶膽杯分綠猩唇脂印紅雙歌連理曲並醉合歡
叢

南壩迎郎來西壩送郎去迴身掩空閨月明天未
曙

詠張子上臥疾

幽憂子伏枕寂寥子閉關誰言彈丸地若阻重巖
山朱羲陸將改清商節欲還冪庭書帶靜文波屏
風閑鳴瓊罷魚翁窺碁忌豹班牽率詡蘭藻俛仰

企芝顏

星回節

忽見庭花拆刺桐故園珍樹幾然紅年々六月星
回節長在天涯客路中

連雨

江星動天人涉波淫雨毀山仍漏河兩崖渾不辨
牛馬千家只恐為鼃鼃桑田滿地西成少桃壘同
流東逝多懸磬反關斷車跡有客無衣中夜歌

送陳德潤還茂州 二首

鍾鼓寧樂點文繡詎飾稀逝隨扶搖翔何似搶榆
飛勞者恒思息遊者恒思歸達生貴止足君子當
知幾宦途類嬰網稅駕真解微陽阿可晞髮高罔
堪振衣疊々時過中成々何歎歎相期保耄齒道
遠敬良暉

井絡當坤維岷山出其腹神禹生茲鄉石紐何蔥
鬱採藥遺古亭讀書留往谷靈峯隱秘文名山藏
仙籟薤尾翔飄鸞穗書昂立鵠瑞協苑委圖輝映
岫嶺曲早慕子長遊晚滯周南獨煩君窈窕尋寄

余琳琅錄

元謀縣歌

遙望元謀縣塚墓何累，借問何人墓官尸與吏。
骸山川多瘴厲仕宦少生回三月春草青元謀不
可行九月草交頭元謀不可遊嗟尔營營子何為
歎來此九州幸自寬何為此遊盤

南枝曲

會川五里坡羅，峭邊有古梅一株婆娑蔭映形
如曲蓋封蘚斑駁文如篆籀蓋數百年物也予平

生所見梅樹此為冠絕冠惜乎生於窮山絕域而
不得高人韵士之賞也玩歎之餘作此曲焉

我渡烟江來瘴國毒草嵐叢愁箐黑忽見新梅粲
路傍幽秀古艷空林色絕世獨立誰相憐解鞍籍
草坐梅邊芬莖香韻風能透綽約仙姿月與傳根
地錦苔迷蟻縫樹杪黃昏搖鳥夢飄英點綴似留
人顧影徘徊若相送焦桐椽竹亦何心中郎一見兩
知音誰謂南枝無址道願譜金徽播玉琴

震湖曲四胤為劉少鄰賦

滇湖湛空碧光景涵太虛主人湖上家結舫水中
居一廬

湖壘通九淵湖鏡含萬象陰火宵有無波塵時下
七一亂

留連非魚鳥溯洄豈蕪葭明月浴灑露青雲吸流
霞三亂

搖筆泳漣漪
留生沈瀼因之滄浪吟湖亭記余
邁四亂

大相公嶺

九折刺史坂七擒丞相橋沉黎漢原古嚴道蜀關遙
束馬冰槽滑乘橈雪凜消我行再經此感慨一長謠

戊戌除夕贈蔡經徐尹

今夕知何夕明朝是歲朝雪封嵐氣淨雲護嶺天遙
楊柳驚橫吹梅花起麗譙故人新酒熟諸興歎春宵
招劉善充

戎旅久塞上暫題如夢中雙江碧雲合九橋明月同
搖心眇天末携手期城東佇立永今夕銀蠟燦銅缸
別劉善充

錦江烟水星橋渡惜別愁攀江上樹青楊柳故鄉
遙渺征人太荒去蘇武匈奴十九年誰傳書札上
林邊北風胡馬南枝鳥腸斷當筵蜀國弦

別周昌言黃孟至

長年三老試登艫雙鬢小妓唱巴歛重露桃花薛
濤井輕風楊柳文君壚可憐鴻增橫四海未許鴟
夷浮五湖銷竟從此渺然去迴首峨眉山月孤

薛畏齋兵憲望鶴樓吟

君不見貞觀薛少保下筆好寫青田鳥又不見開

元薛郎中兼泛滄浪學釣翁名家羽儀有如此後
來傑出復難比明心烟在雲端仙標昂如畫
裡黃鵠磯邊鸚鵡洲高人別起望鶴樓渺烟霞
連北極悠天地入東流驚浪頽波湏砥柱未許
緱山招隱去楓葉寧栖楚客林桃花不問秦人樹
赤霄玄圃記升沉今也鳴皋昔在陰坎止流行隨
所寓山林鍾鼎亦何心一覽鶴樓卷重賦鶴樓吟
嗚呼少保郎中雙南金世無杜甫誰知音

自揚林過板橋

滇海盈一水遙解鞍明日問歸橈還如謝朓宣城路南浦新林過板橋

送毛東鎮往臨安

縹碧鷄使蕭斑馬羣離亭方禁酒征路正炎氛
水弩含沙影天鷲墜火雲翹音期蟋蟀莫待海花紛

臨安毛東鎮

刻升菴詩叙

嘉靖乙未秋九月廷出判亳州將行有客遺升菴先生詩一卷皆先生譴戍滇南所作于岢匆劇不暇細覽迺俾吏人錄之收寘篋笥明年至亳郡齋多暇取而讀之讀數過迺嘆曰嗟乎大雅其有作乎夫詩自三百篇後惟漢魏最為近古降及有唐而聲律之學漸盛然開元天寶之間猶敦崇古雅大曆以還益尚雕琢篇章雖工而詩

人之意興索然矣今觀先生之詩氣格雄
渾聲調沉著其隩叙土風闡揚情景廣博
美麗瓌竒高雅文質彬彬才情兼至蓋取
材于漢魏而憲章乎盛唐可謂卓爾不羣
者矣一日西原先生臨枉謫舍廷出是卷
質之先生曰升菴學博才高一肯罕儼第
如是卷四傑莫能過也乃深歎服不置且
樂為叙之因付諸梓與游藝者共焉

嘉靖丁酉歲三月朔日南充王廷書



